




अध्याय 2 फोरमेट चिताररे बोनोदोल


नोआ अध्याय दो आम सिरजोन रेयाक् हाहाडा खोने पाछनाव ओचोमेया। आमदो एटाक् जिबोन रूप खोन बाहरे ओडोक काते मानावाँवाक् मोंज आकार, रूप, रोड, गोडहोन आर बेनावेम तोलासा। आमदो ड्राइंग आर पेंटिंग कामी-कासनी होतेते नोआ बिबोरोनको रेकॉर्ड होंम चेत् दाडेयाक्आ।

आमदो आपनाराक् सिरजोन रोड बेनाव रेयाक् मोने ओक्ओर कामी धारा साँव-साँव रोड रेयाक् आसोलतेत् आर उमुल बेनाव रेयाक् तकनीक होंम चेदा। नोआ अध्याय दो आम सिरजाउ रूप लेकाते हुदिस आर दुनिया जेल रेयाक् होरा बोनोदोल लागित् ए उसकुर मेया।



0680CH02





कामीहोरा 1: सिरजोन रेयाक् सोफोर

जोखोन आम दारे, बुरू, गाडा, जालाकार आर गितिलको तालारेम ताहेंना, उन जोखेन चेत् लेकाम बुजहावा? बार खोन पे मिनिट हाबिच् हुदिसमे जे आमदो सिरजोन तालारे मेनाक्मेया। आमदो चेत्कोम जेल जामेदा? जोखोन आम बेगार-बेगार जिनिसकोम जोटेदा, उन जोखेन चेत् लेकाम बुजहावा? आमदो आमाक् जाँगा लाताररे चेत् लेकाम बुजहावेदा? आमदो तिनाक् साँगिज हाबिच्एम जेल जामेदा? चेका जाहाँनाक् लाडावोक् काना? आमदो चेत्एम आञ्जोमेदा?

पोन खोन मोडें गोटेन सेचेत् गिदरावाक् हुडिज-हुडिज दोल बेनावमे आर आमाक् हुदिस ओनको लाइयाकोमे।

आमाक् ड्राइंग बुक आर पेंसिल साबमे आर आमाक् आडेपासे तालास लागित् ओडाक् खोन बाहरे ओण्डोकोक्मे।

1. सेरमा सेन कोयोक्काते ओना रेयाक् फायलाव आटकारमे। आम जाहाँ रोडेम जेलेदा से रिमिल रेयाक् आकारेम जेलेदा, ओनारे धेयान एमावाक्मे।
2. ओत जेलमे। हासा रेयाक् रोड, आयमा लेकान धिरी, काटिच् धिरी आर काटिच् चट्टान जेलमे। ओना रेयाक् बेनावतेत् जोटेत् लेगायमे आर आटकारमे। चेका ओना चिकाँड, रोगदो, चेतान-लातार, दानालेका से जाहाँन एटाक् बेनावाक् लेका मेनाक्आ?
3. मित् नोडकान ठाँव सेंदरायमे, जाहाँरे मित्-बार

हुडिज से माराड दारेको मेनाक्आ। दारेको दुलाडते जोटेदमे आर ओना रेयाक् साकाम, गुदी, छाल, बाहा, जो आर जाहाँनाक्गे आमेम जेलेदा, ओना रेयाक् गोडहोन आटकारमे। ओना रेयाक् गोडहोनको चितारते बेनाव लागित् कुरूमुटूयमे बाडखान साबाद होतेते ओना ओलमे।

4. साकाम रेयाक् आकार ओनारे जेल जामोक्कान सानाम सीर आर ओना लेकान गोडहोनको धेयानते जेलमे। नोडकान पेया साकाम रेयाक् चितार बेनावमे, जाहाँरे बेगार-बेगार आकार, सीर आर ओनकागे गोडहोन ताहेंन। ओना रेयाक् रोड साबाद होतेते ओलमे।

5. जाहाँन जानवार, चेंडें से तेजोको धेयानते जेलकोम। चेका ओनकोको दुडुप् आकाना, जापित्एदा, तेंगोवाकाना सेको लाडावोक् काना? ओनकोवाक् ओना रूप चितारते बेक्नाव लागित् कुरूमुटूयमे।

मित् सामूहरे जारवाकाते आपेपे बेनावाकात् चितार जेलपे आर सानामको उदुक्आकोपे।

हेवाक्मे- मित्तेन साँवहेत्-साकाम (विजुअल जर्नल) एतोहोबमे। आमदो दिनाम हिलोक् जेलोक्आक् आयमा लेकान जिनिस रेयाक् चितार बेनावमे।

कामीहोरा 2: उत्ताउ सोफोर

जाहाँ दोहो जारवा ओड़ाक्, हुनारिया कोवाक् कारीगोल कामी चेचेत् ओड़ाक् से नोडकान ठाँवते चालाक्मे, जाहाँ हुनारियाको कारीयेत् काना। लाताररे एमाकान कुकली लेकाते आमाक् बिबोरोन ओलमे-

1. आमदो चेत् लेकान जेजेलाक्-हुनार कारीगोलेम जेलेत् काना?
2. हुनार कारीगोल बेक्नावरे चेत्को सामागिरी बेवहारोक्आ?
3. चेका नोको दो हुनारिया कानाको? ओनको दो चेत्को जिनिस आर टेक्नीकको बेवहारेत् काना?
4. हुनार कारीगोल सिरजाउ आर ओना सोदोर लागित् जाहाँ ठाँव रेयाक् बेबोस्ता चेत्लेका होयोक्आ?
5. आमदो ओकाटाक् नावाँ हुदिस आर आनाटकारकोम जामकदा?

आमाक् आनाटकार लेकाते चितार बेनावमे। आमदो नोआको चितार नित आकात् लेकाहोम बेवहार दाडैयाक्आ।





जेलोक्आक् हुनार

कामीहोरा 3: सिरजोन रोड बेनावमे

चेका आमदोम हुदिसाकादा जे रोड दो ओका खोन जामोक्आ? तेहेज आबोठेन सापड़ावाकान डिबारे रोडगाक् पेंसिल, क्रेयोन आर दाक्-रोड मेनाक्आ, मेनखान माड़ाडरे हुनारिया दो ओका होते तेको बेवहारा?

आम जाहाँ जामाक्कोम जोमेत्काना, ओना बाबोत हुदिसमे। जोखोन ओड़ाकरे दाल बेनाक् काना, ओना बाड़ती सासाड जेल ओचोय लागित् ओकाटाक् सामागिरी मिलाउ होयोक् काना?

सासाड! आमदो ओड़ाकरे ओना आपनार पारसीते चेत्एम मेतावाक्आ?

नित दो, ओना एटाक् जोमाक् जिनिस बाबोत हुदिसमे, जाहाँको आमेम जोमाकात्आ। ओना मुद खोन जाहाँटाक् रेयाक् रोड आमाक् काटुप्, आमाक् आलाड आर आमाक् किचरीचरे हों लागाव दाड़ेयाक्आ।


ओनकागे बाहा रेयाक् बेवहार हों रोड ओडोक आर बेनाव लागित् होय दाड़ेयाक्आ। दारे छाडाकाते हासा, धि री आर खानिज खोन हों रोड बेनाव होय दाड़ेयाक्आ। हुनारियाको रोड बेनाव लागित् नोआ होरा रेयाक् बेवहार आयमा लेकान हुनार जोस लागित्को काक्मीया।

आपनार जोमाकरे जामोक् नोडकान फोल, सब्जी, साकाम आर रेहेत् रेयाक् लिस्टी बेनावमे, जाहाँदो रित् बाडखान इसीन लेखान रोड बेनाव होय दाड़ेयाक्आ।

1. _____
2. _____
3. _____
4. _____
5. _____



मा, आपनार लागिन् सिरजोन रोङ बेनावबोन सेंडाँया




स्टेप 1: हासा, खानिज, सान्जी, बाहा, जो, रेहेत्, कोयला एमान खोन काचा सामागिरीकोम जाम दाड्याक्आ। (चितारे एमाकान कोयला आर लील 'लैपिस लजुली' धिरी जेलमे)

स्टेप 2: जोबराको गिडीकाक् लागिन् जामाकात् रोङ मिहीते रिक्ताते छाकावमे

स्टेप 3: ओनारे सुही अनुपातरे जाहाँन बान्धोक (तोतोलोक् जिनिस्) बाङखान बाइंडर मिलाउमे। ओनाते दो रोङ ओना सतहरे लाठाय लागिन् गोड़ो जामोक्आ, जाहाँरे चितार बेनावाकाना। अरबी गोंद (बबूल छाल रेयाक् रासा), सुनुम, तोवा, सिम बेले रेयाक् पोण्डतेत् जर्दीतेत् एमान हों सिरजोन रेयाक् बान्धोक जिनिस् काना।

स्टेप 4: हुनार गोड़होन लागिन् सापड़ावाकान रोङ लागावमे।



कामीहोरा 4: सिरजोन रेयाक् रोङते हुनार गोड़होन बेक्नावमे

स्टेप 1: धारती बाङखान दारेको खोन जाहाँन सामागिरीको जाममे।

स्टेप 2: आमरेन माचेत आर गातेको साँव रोङ तैयार रेयाक् होरा बाबोत गालमारावमे आर साँवते रोङ तैयारपे।

स्टेप 3: तैयाराकात् रोङ तिनाक् रोकोम होय दाड्याक्आ, नोआरे बेवहारमे।

स्टेप 4: जाहाँन मित् रोङ बाबोत हुदिसमे, जाहाँ दो आमाक् हुनार गोड़होनेरे बेवहार होय दाड्याक्आ?

स्टेप 5: सिरजोन रेयाक् रोङ बेवहारकाते आमाक् हुनार गोड़होन बेनावमे।

जोखोन सानाम पाङहावक् गिदरावाक् हुनार गोड़होन पुरावोक् ताकोआ, इनाकाते केलासरे सोदोरमे। आपनार-आपनाराक् हुनार गोड़होनको जुतुम एमावाक्पे आर आम हतेते बेवहाराकात् सामागिरी रेयाक् बिबोरोन ओलमे।

आमदो आमाक् कामी-कासनी सोदोराक् जाहाँन एतोहोप् रेखाचितार से बेवहारकोम सोदोर आरेम उदुक् दाड्याक्आ। सानाम गाते कोवाक् हुनार गोड़होनेरे जेल जामोक्कान कामी-कासनी आर रोङ बाबोत गालमारावपे।

Red Shades



Red Tints



कामी-कासनी 5: रोंड-चोमोक् बाडखान 'टिंट-शेड' बेकनाव

चेका रोंड हों आबोवाक् बोदोलोक् मोने
ओबोस्ता लेका बोदोल दाडयाक्आ?

चेका आमम आटकाराकादा जे गोटा दिनरे आमाक्
मोने रेयाक् ओबोस्ता चेतलेका बोदोलोक्आ?
आमदो आमाक् मोने रेयाक् ओबोस्ता उइहार
तुलुच् ओना बाबोत जाहाँय साँव मोडें मिनिट
गालमारावमे-

1. जोखेन आम इस्कुल खोन ओडाकतेम
चालाक् काना, उन जोखेन आमाक् मोने
रेयाक् ओबोस्ता चेतलेका ताहेना?
2. जिन्दा किदुक् जोम जोखेन आमाक् मोने
रेयाक् ओबोस्ता चेतलेका ताहेना?
3. जापित् लाहारे आमाक् मोने रेयाक्
ओबोस्ता चेतलेका ताहेना?
4. जोखेन आम सेताक्एम बेरेदोक्आ, उन
जोखेन आमाक् मोने रेयाक् ओबोस्ता
चेतलेका ताहेना?
5. नित ओकते आमाक् मोने रेयाक् ओबोस्ता
चेतलेका मेनाक्आ?

मोने रेयाक् ओबोस्ता आर आनाइकाड
मित् घाडी लागित् ताहेना। ओना ओकते साँव
बोदोलोक् तेगे ताहेना। जाहाँयाक् आनाटकार
कटेच्, उसारा से नोरोम होय दाडयाक्आ।

रोड हों नोडकागे ताहेना। आबोदो ओना
जिवेतलेकान, उसारा, गाहिर, एताड, नासे-नासे
एमानेम बेनाव दाडयाक्आ।

हुदिसमे! सिज चौदो राकाबोक् से हासुरोक्
जोखेन सेरमा रेयाक् रोंड चेतलेका बोदोलोक्आ?



मारे किचरीच्ते बेकनावकान मित् कोलाज

सेतोडरे किचरीच् तासे आर दिनाम हिलोक्
किचरीच् साफाते चेका ओना रेयाक् रोंड पोलसोदोक्एम
जेलाकादा? थोडा ओकते तायोम ओना दो पोण्ड
खोन ओना रेयाक् चोमोक् कोमोक्आ बाडखान
गाहिर रोंड खोन पोलसोत्एनगे।

चितार बेकनाव रेयाक् हुनाररे रोंड रेयाक्
नोआ तोफाद दो टिंट आर शेडको मेतावाक्आ।
आबोदो जाहाँन रोंड रेयाक् टिंट ओनारे पोण्ड
रोड मेसाल कातेबोन बेनाव दाडयाक्आ। ओनकागे
जाहाँन रोडरे हेन्दे रोंड मेसालकाते ओना रेयाक्
शेडबोन बेनाव दाडयाक्आ।

रोड+पोण्ड = रोंड टिंट

रोड+हेन्दे = रोंड शेड



रोडते टिंट आर शोड बेनाव

माबोन, हेवाकआ!

सामागिरी- चितार बेक्नाव आर ओना रोड लागित् सादा कागोज, दाक्-रोड, पोस्टार रोड, गुण्डा से पाउडर रोड- हेन्दे, पोण्ड आर बारया-पेया एटाक् रोड।

एटाक् बेबोस्ता- मारे खोबोर कागोज बाडखान साँवहेत् साकाम रेयाक् रोडगाक् कागोज बेगारकाते पच्चिकारी से मोजाइक बेनाव लागित् आयमा लेकान शोड आर टिंट सेंदरायमे।

सिरजोन रेयाक् रोड-पट्टिका बाडखान पैलेट सिरजोने आयमा लेकान रोड जेलकाते चेका आमदो जाहाँतिस हाहाडाम बुजहावाकादा?

बाहरे ओडोकोक्मे आर पेया नोडकान साकाम हेच् आगुइमे, जाहाँदो आयमा लेकान रोड आर शोड रेयाक् काना।

आमदो, जाहाँटाक्गे ओना लेका जोक् शोड एम जेलजामा, ओना बेनाव लागित् आयमा लेकान रोड मेसाल लागित् कुरुमुटूयमे।

फायलाव- टिंट आर शोड रेयाक् मिलाउ आमेम बेनावाकात् रोड रेयाक् चोमोक आर शोड निट आकात् लेका बेवहारमे। जाहाँन दोहो जारवा ओडाक् रेयाक् वेबसाइट बाडखान जाहाँन पुथी खोन हुनार गोड़होन रेयाक् चितार सेंदरायमे जाहाँरे आमेम बेनावाकात् रोड रेयाक् चोमोक बाडखान शोड मेनाक्। जेलमे जे हुनार गोड़होन रेयाक् रोड-चोमोक से शोड चेतलेका आबोवाक् मोने रेयाक् भाव आर ओबोस्ताकोय बोदोलेत् काना। नोआ हेवा 4 खोन 5 बेगार-बेगार रोड आर ओना रेयाक् रोड-चोमोक आर शोड साँव दोहडायमे। आमदो मोने रेयाक् ओबोस्ता आर भाव, रोड-चोमोक आर शोड साँवेम आटकाराकादा, ओना रेयाक् मित् हुडिज बिबोरोन ओलमे।



कामीहोरा 6: हुनारिया होतेते बेवहारोक्कान सतह आर सामागिरी


आमेम बाडाय गया जे सिरजोन खोन रोड बेनावोक्आ। कागोज जाम तोलास लाहारे हुनारिया दो सिरजोन सतह, जेलेका- धिरी चाटानी, गुफा रेयाक् भित, हासा रेयाक् ओत, ताले रेयाक् साकाम, काट आर किचरीचरे चितारको बेनावेत् ताहेना।

आयमा लेकान पे-आयाम जिनिस आर मूरती बेनाव लागित् टेराकोटा, धिरी, जानवाराक् जाड आर हारता, काट, धातु आर सिरजोन रेयाक् जिनिसको बेवहारेत् ताहेना।

सानाम सामागिरी आर आयमा लेकान सतह साँव काक्मी लागित् बिसेस सापाप् आर टेकनीकको उतनाउ होयेना।




जुदी आमठेन कागोज बाड ताहेना, तोबे आमदो आमाक् हुनार गोड़होन बेनाव लागित् ओकाटाक् सामागिरी आर सतहकोम बाछावा? आपनारते बेवहारमे आर आमाक् हुनार गोड़होन बेनावमे।

लाताररे एमाकान पारतुलको जेलमे। आमदो प्रागैतिहासिक ओकते खोन हुनारियाको होतेते बेवहारोक्कान आयमा लेकान सामागिरी आर सतहको बाबोतेम बाडाय दाडेयाक्आ।




जेजेलाक् हुनार
जेलोक्आक् हुनार






भीमबेटका



अजंता रेयाक् गुफा



ताले रेयाक् रोहोड साकाम



कोलम



कलमकारी



कामीहोरा 7: सिरजोन खोन उदगाउ

आमेम बाडाय गया जे हुनारिया दो आको आडेपासे गाहिरतेको जेला आर हुडिज जिनिस रेयाक् बिबोरोन होको ओला। सानाम हुनारिया कोवाक् आपनार मित् मोने रेयाक् हुदिस ताहेंन ताकोआ। ओनको दो आपनारते बेवहारेत्कान सामागिरी, सापाप् आर टेकनीकको बाछावा। नोआ काथागे ओनकोवाक् काक्मी हाहाडाय बेनावा।

मित् हुनारिया लेका आमहों आमाक् मोने रेयाक् हुदिस बेवहारकाते हुनार गोड़होनकोम बेनाव दाडेयाक्आ। आम नोडकान सामागिरी आर सापाप् बाछावमे, जाहाँदो आमाक् हुदिस लागित् गानोक्आ। सिरजोन दो आमरेन उदगाविच् कानाय आर आमदो बेक्नाविच्। आमाक् हुनार गोड़होनरे आपनाराक् आटकार आर जेलाक् सेलेदमे।

ओनारे बुरू, गाडा से सिज चाँदो ताहेंन दो लाकती बाडकाना। आम नोआ गोटायमे जे ओनादो चेतकाना, जाहाँदो आम लागित् सिरजोन रेयाक् ए आनायुरेत् काना। नोआदो आमाक् सोरसोपोर रेयाक् जिनिस होय दाडेयाक्आ। दिसा दोहोयमे, चितार दो आमाक् नाजेर आर सोदोर लेका होयोक् लाकती काना।

